

REFERAT US - Utoqqaat siunnersuisoqatigiiffiat d. 15-11-2016

Mødedato Tirsdag d. 15. november 2016 kl. 13:30

Mødested Grethep allaffiani

Indholdsfortegnelse

Imaqarniliaq.....	3
-------------------	---

Punkt .: Imaqarniliaq



Kommuneqarfik Sermersooq

Isumaginninnermut, Suliffeqarnermut Inuussutissarsiornermullu
Ingerlatsivik
Forvaltningen for Velfærd, Arbejdsmarked og Erhverv

Ulloq /Dato : 16-11-2016
J.nr.: 40.13.02

Imaqarniliaq Utoqqarnut siunnersuisoqatigiit

Piffissaq: Marlunngorneq ulloq 15.november nal. 9.30-11
Sumi: Grethep allaffiani

Ilaasortat

Else Lea Olsen, siulittaasoq (Nuuk)
Laannguaq Lyngge, siulittaasup tullia (Nuuk)
Jakob Thorsen (Paamiut)
Tulla Andreassen (Tasiilaq)
Jonas Napatoq (Ittoqqortoormiit)

Ingerlatsivimmit

Grethe Nielsen (pisortaq)
Birtha Bianco (fagchef)
Sara Pasquali (siunnersorti)
Lone Rosengreen Pedersen (siunnersorti)

Peqataasinnaanani nalunaartoq:

Tulla Andreassen

Oqaluuserisassat

- 1) Ingerlatsivimmit nutaarsiassat
- 2) Ilisimatitsissutit
 - a. Utoqqarnut pilersaarusiap aammalu utoqqarnut politikkissap killiffii
 - b. Kommunip ammasumik aaqqissuussera
- 3) Paaqutarinnineq sioqqullugu sungiusarneq
 - a. Isumaginninnermik sullissiviup immikkoortoqarfiani pilersaarutaavoq Nuummi "Paaqutarinnineq sioqqullugu sungiusarneq"-rup aallartinneqarnissaa. Taanna innuttaasut piginnaanngorsaqqinneqarsinnaasut angerlarsimaffimmini imaluunniit sungiusarfimmi aammalu oqilisaaffiqarneqarmi sungiusarneqartarnissaannik qulakkeerinnittuussaaq, ataavartumik angerlarsimaffimmi ikiorteqarnissamik naliliisoqartinnagu imaluunniit aallartisarneqartinnagu.
- 4) Kisitsisinngorlugit paasissutissat
 - a. Utoqqalinersiallit aamma siusinaartumik pensionisiallit amerlassusii
- 5) 2017-imut missingersuutit
- 6) Taasariaqartut allat

Kommuneqarfik Sermersooq

Postboks 1005, 3900 Nuuk, Grønland Tlf.: (+299) 36 70 00 E-mail: kommuneqarfik@sermersooq.gl

Ammasarfiit

Ataa. – Ping. 10.00 – 15.00
Sisamangorneq 12.00 – 17.00
Tallimangorneq 10.00 – 12.00

Abningstider

Man. – Ons. 10.00 – 15.00
Torsdag 12.00 – 17.00
Fredag 10.00 – 12.00

GER-nr. 31290937

Bankkonto 6471-1000052
PBS-kreditor nr. 01938681

1) Ingerlatsivimmit nutaarsiassat

Napparsimalluni sulinningitsoortarneq ingerlatsivimmi sammisarfigivarput, iliuusissanik pilersaarusiornikkut workshoppeqartitsinikkullu suliaqarfigalugu. Napparsimalluni sulinningitsoortarnerup suliarinissaa pingaaruteqartuuvoq, ilaatigut kommunimi tamarmi utoqqarnut tunngasunut tamanut sunniteqartarmat. Taamaattumillu napparsimalluni sulinningitsoortarnerup appartinneqarnissaa pingaaruteqarpoq utoqqarnik pitsaanerpaamik isumaginninnissaq qulakkeerumallugu.

Allanik sulisoqalerneq:

Immikkoortumi peqqissaasoq Marie Heilmann ulloq 1. november 2016 taamaatippoq. Immikkoortuq susassaqaarfia Hendrine Poulsen Lund-imit tiguneqarpoq.

Annelise Valbak isumaginninnermik sullissivimmi fagchefitut ulloq 15. oktober 2016-imi taamaatippoq. Utoqqarnut siunnersuisoqatigiit suleqatigiilluarsimaneq pillugu qutsavigivai pingaartumik utoqqarnut tunngasunik pilersaarusiornermut tunngatillugu. Lise Lotte Have isumaginninnermik sullissivimmi fagchefinngortinneqarallarpog.

Birtha Bianco utoqqarnut tunngasunut ulloq 15. august 2016-imi fagchefinngorpoq. Birtha peqqissaasutut tunuliaqutaqarpoq ukiorpassuarnilu aqutsisutut misilittagaqarluni.

2) Ilisimatitsissutit

Birtha utoqqaat pillugit pilersaarusiorneq pillugu suliamik ilisimatitsivoq: Utoqqaat pillugit pilersaarussiaq kommunalbestyrelsip ataatsimiinnerani eqqartorneqarpoq, fase 2-milu suliarineqartut uagutsinnut nersualaarinnissutigineqarput.

Taamaalilluni fase 2 politikikkut akuerineqarpoq, fase 1 aamma fase 2 tunngavigalugit fase 3 aallartinneqassaaq, tassanilu siunertaavoq suliniutigineqartut atortussanngortinneqarnissaasa sukuumiisumik allaaserineqarnissaat. Massakkut pilersaarut uummaarissarneqassaaq, suleqatigiissitaliat qulingiluat suliniuteqarfinnik qulingiluanik suliaqartussat pilersinneqarnerisigut.

Fase 3 februar 2017-imi politikikkut akuerineqassaaq, taamaattumillu fase 3-mi utoqqaat pillugit pilersaarusiorneq aallartinneqarpoq. Suliniuteqarfigineqartussat ilai aallartinneqareerput - asser-suutigalugu piginnaanngorsaaqqiineq pillugu suliniuteqarneq – paaqqutarinnineq sioqqullugu sungiusarneq.

Utoqqarnut politikki politikikkut akuerineqareerpoq.

Laanngumit apeqqut: *Utoqqarnut politikki utoqqarnut qanoq apuunneqassava?*

Politikki naqinneqareerpoq, sinerissamilu ingerlatsivinnut ingerlateqqissavarput.

Tassunga atatillugu kommune ammasumik aaqqissuussissaaq ulloq 1. december 2016 nal. 14-17, tassani kommunip utoqqarnut politikkia immikkoortumullu pilersaarussiaq ataatsimiititaliap siulittaasuanit Malene Lyngre/Grethe Nielsen-imit oqaluttuarineqassapput. Utoqqarnut tunngasut pillugit suliniutigineqartut nutaat pillugit paasissutissiisarfeqassaaq aammalu politikerinut saaffiginniffissaqassaaq taakku oqaloqatigineqarfigisinnaasaannik. Taakku saniatigut juullerpalaartitsisoqassaaq æbleskiveqarlunilu bankornertalimmik.

Jonasimit apeqqut: *"Ulloq taanna kimit aningaasalerneqassava?"*

Grethe: Ingerlatsivimmit ulloq aningaasalerneqassaaq Kommunip ammasumi aqqissuineratut. Peqatigiiffiit namminerisaminnik inunnik suliallit aqqissuussinermut taperneqarnissaminnik namminerisamik inunnik sulianut puljemut qinnuteqarsinnaapput. Aqqissuussanulli imigassartalinnut tapiissuteqartoqarneq ajorpoq.

3) Paaqqutarinnineq sioqqullugu sungiusarneq

Paaqqutarinnineq sioqqullugu sungiusarneq immikkoortumut pilersaarummiippoq aallartinneqartoq.

Kalaallit Nunaanni utoqqaat amerliartorput. Tamannalu ima isumaqarpoq, uagut kommunimi innuttaasut pitsaasumik inuuneqarnissaat qulakkeerumallugu suleriaasitsinnik allanguisariaqarnitsinnik.

Innuttaasut sapinngisamik sivilisunerpaamik namminneq piumasartik malillugu inuuneqassapput. Tamanna politikerinit anguniagaavoq, taamaattumillu ilaatigut pillorissaasutut tagiartuisartutullu atorfiit amerlineqarput – tamatumani siunertarineqarpoq innuttaasumut suliniutip annertusarnissaa:

- Ikiorteqarnissamik pisariaqartitsilernerat sioqqullugu (pitsaaliuineq peqqinnissamillu siuarsaaneq)
- Siullermeerlutik ikiorteqarnissamik apeqquteqarpata (paaqqutarinnineq sioqqullugu sungiusarneq)
- Napparsimmavimmiissimallutik angerlarsimaffimmi ikiorteqarnissamik siullermeerlutik pisariaqartitsippata
- Uningareernerup kingornatigut pisariaqartitaat allaanerulersimappata

Innuttaasut piginnaangorsarneqarsinnaasut piginnaangorsarneqassapput nammineersinnaangorlugit imaluunniit annikitsumik ikiorteqartinneqarlutik nammineersinnaangorlugit, taamaaliornikkut innuttaasut ataavartumik ikiorneqartussat aammalu innuttaasut pisariaqartitsinerusut piffissaqarfigineqarnerulissapput.

Jonasimit apeqqut: *"Paaqqutarinnineq sioqqullugu sungiusarneq" Nuummi innuttaasunut kisimi pissava?"*

Grethe: Suliniut Nuummi aallartinneqassaaq, misilittakkallu pitsaasut pissarsiarineqarpata illoqarfinnut allanut siammarterneqassaaq.

Else Lea: Pingaaruteqartuuvoq utoqqaat peqatigiiffiisa uummaarinnerulluni inuuneqarnissamut peqataanissaat. Utoqqarnut siunnersuisoqatigiit siuttuujumapput.

Jacob: Utoqqaat timersornermik aqqissussanut peqataatinnissaat ajornakusoortuuvoq, peqatigiiffinni/timigissartarfinni ilaasortaanginnerat pissutigalugu. Taamatut aqqissuussinerit tamanut ammasuussapput.

Ingerlatsiviup ilisimatitsissutigivaa, suliniutit Ingerlatsivimmit aallartinneqartut soorunami tamanut ammasuussasut, assersuutigalugu Paamiuni utoqqaat timigissartinneqartarnerat.

4) Kisitsisinik paasissutissat

Kommuneqarfik Sermersuumi 65-it sinnerlugit ukiullit 1425-upput – taakkunannga utoqqalinersiallit 1126-upput. Tassa imaappoq, innuttaasut 300-ngajaat 65-it sinnerlugit ukiullit suliliffeqartuusut.

Piffissami juunimiit juulimut Nuummi siusinaartumik pensionisiallit 63-inik ikileriarput. Appariaa-teqarneq nutaamik iluarsartuussinermik pissuteqarpoq, taakku innuttaasut 63-it siusinaartumik pis-artagaqarnerminnik annaasaqarmata.

Utoqqaat naatsorsuutigineqartumit amerlanerupput, pensioninullu nutaamik aaqqissuussinermi utoqqaat amerlanerit Kalaallit Nunaanniittassapput.

Ukiup tulliani utoqqalinersiaqalersinnaaneq 66-inut qaffanneqassaaq, tamannalu pensionisiallit amerlassusiinut sunniuteqassaaq.

5) 2017-imut missingersuutit

2017-imut missingersuutit kommunalbestyrelsimit ualeru (15.11.16) suliarineqassapput.

Utoqqarnut tunngasunut sanaartugassatut pilersaarutit

Paamiuni nutaamik utoqqarnut angerlarsimmaviliortoqassaaq aammalu Ittoqqortoormiini paaqqutarinniffiusinnaasumik misissueqqissaartoqassalluni. Ittoqqortoormiini utoqqaat najugaqatigiiffiat nungullarsimavoq. Naalakkersuisoqarfik suleqatigineqassaaq nukissanik pitsaaneruseq atuinis-saq pillugu aamma init eqqarsaatigalugit.

Tasiilami aamma nutaamik paaqqutarinniffissamik pilersaaruteqarpoq. Pilersaarusiortussat aallar-tereerput.

Ingerlatsineq

Tasiilami innuttaasunut marlunnut ulluunerani sammisassaqtitsinissamut siunnersuuteqartoqar-poq. Siunnersuut taanna ullumi kommunalbestyrelsip ataatsimiinnerani aappassaaneerseqassaaq.

Utoqqarnut tunngasuni piginnaasat ineriartortinneqarnissaannut/qaffassarneqarnissaannut anin-gaasanik immikkoortitsisoqarpoq.

Napparsimalluni sulingitsoortarneq eqqumaffigineqarpoq, taamaattumillu iluarinninneq pillugu siunnersortinik (trivselskonsulenter) atorfinitsitsisoqarnissaa siunnersuutaavoq.

6) Taasariaqartut allat

Laanngumit apeqqu: Laannguaq Ippiarsummi utoqqarnut inissiami nakkutigineqartumi utoqqarmut saaffigineqarsimavoq, taanna aput pissutigalugu anisinnaasimangilaq. Kina aputaa-jaanermik isumaginnittua?

Grethe: Tamanna Ingerlatsiviup misissussavaa.

Else Leap Lone sulilluarsimanagera aammalu suleqatigiilluarneq pillugu qutsavigivaa, taanna inger-latsivimmi ulloq 30. november 2016-imi taamaatippoq, aammalu tamaasa juullisiorluarnissaannik kissaallugit.

Grethep utoqqarnut siunnersuisoqatigiit sulilluarsimanagerat pillugu qutsavigivai ilaasortallu tamaasa ilaqaataalu juullisiorluaqqullugillu ukiortaamut nutaamut iserluaqqullugit.